

*Pfal. 17.* Quibus verbis Propheta denotat atq; describit optime virtutem mixtam, videlicet ignis Martialis cum tenebris horrendis & timendis Saturni seu proprietatem *Elohim Gibbor*, portæ *Geburath* cum illa *Binah*, in proprietate seuera secundi ordinis, qua *Elohim Gibbor* dicitur, quæ per portam lucidam *Geburath* emittit suos effluxus, igneam induit naturam, & dictus est ignis consumens, ministri autem eius, qui eiusmodi proprietatem in executionem mittunt, sunt angeli ignei, de quibus loquitur Psalmista dicens, quod *facit angelos eius ventos & ministros suos ignem ardentem*, *Pfal. 104.* Hinc & Iob dicit, *Nunquid mittes fulgura & ibunt, & reuertentia tibi dicent adsumus?* *Iob. 38.* In hoc sensu & dictus Propheta loquitur alibi, *depluit saper improbos prunas, ignem & sulphur*, *spiritusque procellarum portio poculi*, Et alibi, *ascendens fumus per nasum Iehoua, & ignis ex ore eius, &c.* *Pf. 18.* & fulgura jaculans fundit illos. Porro in alio loco describit quod Deus æstuans mediantibus ministris suis igneis impios affligere soleat *Irascaris* (inquit David) *in ætænum &c.* *Effunde æstus tuos in alias Gentes, quæ non cognoscunt te, nam consumptor consumpsit Iacobum*, *Pfal. 79. 5.* vbi per contumptorem ministrum seu angelum DEI affligentem intelligit, Et alibi, *Fulgura multiplicauit, & conturbasti eos*, *Pfal. 17.* Similiter pluuiosam flammam sulphuris & presteres in Sodom & Gomorra pro peccatis misit, *Genes. 19.* Et alibi: *Ignis exiens à conspectu Iehoua exanimauit filios Abaronis, & mortui sunt coram Iehoua*, *Leuit. 10. 12.* Et alibi: *Ignis à Iehoua egressus consumebat 250. illos viros, qui admouerant thus*, *Num. 16. 35.* Et alibi, *Ira Iehoua æstuans manebit in locum istum, & non extinguetur*, *2. Reg. 22.* Præterea quod angeli vindicatiui igneæ dispositionis, sint ministri hac in actione, dicitur, *quod ignis à Iehoua in Babyloniam ad multa tempora immittetur, diuque à demonibus habitabitur*, *Bar. 4. 35.* Sed & hoc obseruandum est, quod ignea hæc Dei proprietates quandoque visibiliter, & quandoque inuisibiliter operetur, in homines inobedientes, denique ignis hic malignus operatur sæpicule in spiritu macrocosmico ad mundi illius minimi aut perturbationem aut integram destructionem, quod colligimus è multis sacrarum literarum locis, *Fulgurum vi* (inquit sapiens) *pæna superueniunt improbis*, *Sap. 19. 13.* Et alibi, De spiritu humano igne Dei vindicatiuo corrupto sic loquitur pagina sancta, *Accensa est ira Iehoua in Israelem, coercita est pestis illa ne pergeret, fuerunt qui mortui sunt illa plaga 24000.* *Num. 25.* Porro alibi, *Sagitta Dei sunt pestes, quarum virus ebibit spiritus hominis*: *Iob. 6. 4.* Et alibi, *Adhereat tibi pestis donec consumpsit te*, Et alibi, *Percutiet Iehoua tæbe, calidaque ac æstuantem ac vrente febre, & siccitate, & vrigine, & persequentur te, donec pereas*, *Deut. 28. 12.* atque ita in cæcis. Quibus sat liquido patet, quod vt fulgura sunt subtiles atque ignei venti, à Deo emissi, ad voluntatem suam hic in terris exercendam, ita & febriles & pestiferi venti in aere humano sunt ipsis natura, operatione, atque effectu quam simillimi, similiter vt venti in terram inspirati, & terræ motum facientes, atque etiam vt illi in aere in seuera Dei proprietate producti, nubes nigras producant, & tumultuosum reddunt cælum seu aerem, & mare, ita etiam similes seu à ventis externis procreati, similes in aere, in humoribus, & terra humana proferunt effectus. Ratio autem in promptu est, quoniam sc. aer Microcosmicus est filius illius Macrocosmici, atque ita cum eo naturali nexu concatenatur, vt alter, scilicet Microcosmi sine altero viuere, existere, aut permanere nequeat. Hinc Hippocrates, Galenus, Auicenna & omnes in medicina peritiores, ponunt in aeris mundani à ventis alteratione, aeris etiam humani, tam in morbis quam sanitate mutationem, quemadmodum in libris de morbis Epidemicis De ephoris; & de flatibus vbertim explicauerunt. Hinc etiam apud Iudorum legimus, quod Ventus Septentrionalis faciat aerem purum & clarum, corpora induret, poros obturet, vnde & purificat humores, clarum efficit spiritum hominis, adiuuat digestionem, rectificat aerem pestiferum, generationis virtutem adiuuat, vnde Aristoteles vult, quod si ventus in conceptione fuerit septentrionalis, infans erit mas, si meridiana, fœmina, Et Constantinus lib. 5. cap. 1. ait Boream reprimere malos humores, similiter quod inducit quandoque pectoris siccitatem, tussim, & asperitatem pulmonum, stupida reddit membra, Phtisicis grauis est, idque propter frigidam & ficcam suam dispositionem.

Similiter venti Septentrionales spissum & nebulosum reddunt aerem, poros aperiant, pluuias multiplicent, & quandoque tonitrua, aerem corrumpunt, &c. Et Beda agnoscit, quod in aere & corpore humano pariter etiam cum cælo & terra mundi agat Ventus Australis, vnde dicit, quod aperiat poros corporis, virtutem sentiendi impediatur in crassatione, atque grauitatem corporis inducat, atque in hoc cum Hippocrate consentire videtur, qui etiam in hanc incidit sententiã, Ventum istum aggrauare au ditum, illum facere difficilem, caput afficere, humores non ligare, & confirmare, sed dissoluere potius ipsos, ab interiori exterius versus euocare, morbos pestilenciales afferre, cum multis aliis, de quibus in historia nostra Microcosmi præternaturali plenius.

Concludimus igitur quod cum tres recensentur spiritus in hoc mundo, videlicet diuinus, qui est primarius, mundanus, atque ille creaturarum, atque quod vt hi spiritus successiue ab inuicem ducantur, videlicet ad motum prioris secundarius vel pacifice vel tumultuose exagitur, more corporis ab anima mouente vel suauiter vel violenter, & iterum tertius ab utroque, necesse erit credere, quod omnes hi spiritus in actione positi, pro flatibus ventis que reputentur atque habeantur, at hæc est maxima inter hos spiritus differentia, quod prior sit increatus, splendidus, primordially ceteros animans, luxque mundi, & spiraculum vitæ, duo inferiores sunt aer, flatu, spiritus, natura humida aliena.